

AVIZU KONKURSU PÚBLIKU

Komisaun Funksaun Pública, tuir forma Dekretu Lei no. 34/2008, 27 lora Agostu. Ho redasaun husi Dekretu Lei no. 22/2011, lora 8 Junu, konabá Rejime Konkursu, Rekrutamentu, Selesaun, Nomeasaun no Promosaun Pesal iha Administrasaun Pública ne'ebé foó biban ho prosedimentu sira atu loke konkursu públiku tuir avizu konkursu públiku iha Prokuradoria Jerál Repúblika.

Referéncia	Ref. Nú CPI/44/2022
Títulu ba pozisaun	Ofisial Administrativu
Grau Katégoria	Grau: E / Tékniku administrativu
Instituisaun	Diresaun Nasional Rekursu Umanu Prokuradoria Jerál Repúblika
Responsabilidade ba	Departamentu : Rekrutamentu no Fórmasaun
Saláriu mensal :	US\$ 204
Númeru ba vaga :	1 (ida)
Relasaun Júridika ba empregu :	Permanente
Tipo konkursu ba :	Públiku
Métodu selesaun karáter eliminatóriu:	1. Avaliasaun kurikular 2. Prova eskrita liu husi ezame sistema elektronikua 3. Entrevista profesional.
Hato'ó relatóriu ba:	Xefe Departamentu: Rekrutamentu no Fórmasaun

A. Deskrisaun konteúdu funksional husi pozisaun:

Ofisial administrativu hala'ó serbisu tutela ba Xefe Departamentu Rekrutamentu no Fórmasaun ho nia funsaun sira atu apoiu ba Diresaun Administrasaun no Rekursu Humanu. Ofisial administrativu nee, iha ninia responsabilidade apoiu serbisu administrasaun hotu iha Departamentu Rekrutamentu no Fórmasaun Prokuradoria Jerál Repúblika. Hetan orientasaun husi Xefe Departamentu Rekrutamentu no Fórmasaun hodi asegura katak tenke halo tuir Lei,

regulamentu no prosedimentu sira iha Prokuradoria Jerál Repúblika no Lei Funsau Públika.

B. Responsabilidade sira ba pozisaun:

1. Hala'ó serbisu administrasaun nian ba prosesu rekrutamentu (funsonariu públiku, Ajente Administrasaun no Kontratadu) nian no ba fómasaun sira iha Prokuradoria Jerál Repúblika;
2. Halo atualizasaun ba kartaun identifikasaun ka ID Card ba funsonáriu sira iha Prokuradoria Jerál Repúblika;
3. Prepara dokumentu sira relasiona ho prosesu rekrutamentu funsonáriu, ajente administrasaun públika no kontratadu sira;
4. Konfirma prosesu sira konabá promosaun funsonáriu públiku sira nian iha Komisaun Funsau Públiku;
5. Prepara karta relasiona ho serbisu sira wainhira hetan orientasaun husi Xefi Departamentu Rekrutamentu no Fómasaun nian ba Diretor Administrasaun no Rekursu Humanu.
7. Buka infórmasaun iha KFP, INAP, FDCH no institutu sira ne'ebé relevante ho fómasaun funsonáriu sira;
8. Xamada ba funsonáriu sira atu partisipa fómasaun iha Prokuradoria Jerál Repúblika;
9. Prepara kalendariu fómasaun sira ne'ebé Departamentu Rekrutamentu no Fómasaun organiza.
10. Tuir orientasaun husi Xefe Departamentu no Diretor Administrasaun no Rekursu Humanu hodi organiza administrasaun no lojistíka ba eventu ruma ne'ebé Prokuradoria Jerál Repúblika organiza, no halo koordenasaun ho funsonáriu sira seluk iha Nasional no Prokuradoria Distritál sira.

11. Aliende serbisu sira iha leten, hala'ó mós serbisu sira seluk ne'ebé superior sira fó ka atribui ba.

C. Rekezitu sira ba selesaun:

1. Rekezitu fundamental

Tuir artigu 14 Estatutu Funsau Públika, Lei N.º 8/2004 loron 16 fulan Juñu 2004 ho Lei N.º 5/2009, aplikante sira tenke:

- a) Sidadaun Timor Leste;
- b) Mínimu tinan 17 no máximu tinan 55;
- c) Laiha istoria hahalok kriminal ne'ebé bele rezulta ba pesoal ne'e hetan sentensa tama kadeia tinan rua ka liu, no nunka halo buat ruma ne'ebé konsidera inkompativel ho funsau sira ne'ebé nia sei hala'ó iha administrasaun públika;
- d) Antes ne'e nunka hetan demisaun husi instituisaun estadu ruma;
- e) Prontu atu serbisu iha ne'ebé deit iha parte teritóriu Timor Leste nian ka halo ofisial misaun iha tasi balu;
- f) Prontu hodi hala'ó viazen iha rai laran no mós iha tasi balu;
- g) Iha saúde diak no kondisaun fízika no mental diak hodi bele hala'ó funsau ne'ebé nia konkore bá;
- h) Hatudu katak iha kapasidade (hakerek ho koalía) iha kualker lian ida husi lian ofisial rua ne'e (Tetúm ka Portugues) no hatene Inglés sai vantajen diak.

2. Rekezitu obrigatoriu

Mínimu diploma Sekundáriu ne'ebé hetan ona rekoñesimentu husi Ministériu Edukasaun iha Timor Leste.

3. Rekezitu selesaun sira konabá kualifikasaun, habilidade adisional, kompeténsia no esperiénsia espesífiku ba pozisaun ne'e:

- a) Mínimu iha esperiênsia serbisu tinan 2.
- b) Banati tuir Lei, polítika no prosedimentu sira iha administrasaun públika Timor Leste, liu-liu Estatutu Ministériu Públiku no Estautu Funsau Públika;
- c) Hatudu kapasidade atu hametin relasaun no ambiente ne'ebé diak ho funsionáriu sira iha Departamentu / ekiparadu sira seluk iha Prokuradoria Jerál Repúblika;
- d) Iha abilidade komputador diak, liu-liu Microsoft Word, Excel, PP no Acces;
- e) Demonstra koñesimentu no abilidade hirak ne'ebé nu'udar rekeztu kompeténsia no responsabilidade sira ba pozisaun nian;
- f) Hatudu katak iha kapasidade (kompriende, koalia no hakerek) iha kualker lian ida husi lian ofisial rua ne'e (Tetúm ka Portugues) no hatene lian Inglês nu'udar vantajen diak.

4. Preferênsia rekrutamentu sira:

Apontamentu sei determina hosi méritu. Aplikante sira ne'ebé iha valór finál hanesan, no preferênsia sei fó liu ba aplikante sira ne'ebé:

- Feto;
- Tinan entre 20 ho 35.

D. Kompozisaun júri

Painel júri ba konkursu no selesaun sei kompostu husi:

1. Sr. Noemio da Silva, husi PJR, Prezidente júri
2. Sra. Anabela da Costa Lesu, husi PJR, vogal
3. Sr. José Manuel Soares, husi PJR, vogal
4. Sr. Delfim Leitão, husi KFP, vogal
5. Sra. Santarina Xavier Rosário, husi KFP, vogal
6. Sr. Edilson Manuel Alain Ximenes, husi PJR, suplente
7. Sr. Valentino Moniz Barreto, husi PJR, suplente

E. Materia sira ba prova (Prova eskrita & entrevista)

1. Materia jerál (25%)

- Konstituisaun RDTL;
- Lejislasaun Funsan Públika;
- Istória Timor Leste;

2. Materia Espesifiku (75%)

- Dekretu Lei no. 6 / 2010, lora 14 Abril, altera ba Dekretu Lei no. 24 / 2017, lora 19 Julhu ;
- Lei 14 / 2005, lora 16 Setembru, altera ba Lei 11 / 2011, lora 28 Setembru, konabá Estatutu Ministériu Públiku;
- Matematika & estatistika bázika;
- Dominiu téknolojia informátika bázika;
- Deskrisaun serbisu nian vaga ka pozisaun sira ne'ebé mak konkorente sira konkore ba;
- Proficiência komunikaun eskrita no oral iha lian Tetum no Português no koñesimentu lian Inglés;
- Atu hetan informasaun konabá lei sira iha leten bele buka iha website Jurnal Repúblika;

F. Sistema klasifikasaun finál

1. Métopu selesaun koresponde ba análiza kurikular, verifikasaun referénsia pesoal, prova eskrita no entrevista.
2. Kalkulasaun eskala média ba prova eskrita husi pontu 0 to'o 100, sei konsidera kandidadu ne'ebé hetan pontu 60 ba leten mak bele kontinua ba faze entrevista finál.
3. Kandidatu ne'ebé hetan valór bo'ot liu mak okupa vaga / fatin refere.

G. Dokumentu ne'ebé tenki aneksu ba prosesu selesaun :

1. Karta aplikasaun diriji ba **Presidente júri, Noemio da Silva**, tuir termu referênsia ba vaga ne'ebé mak kandidatu aplika.
2. Kurrikulum vitae / CV tenke hakerek ho lian Tetúm ka Português no tenki asina husi rekerente, mínimu iha testemunha na'in rua (2) kompletu ho sira ida-idak nia númeru kontaktu ;
3. Fóto kopia kartaun eleitoral no billeti identidade (BI) validu;
4. Fóto kopia sertifikadu habilitasaun literaria ka profissional / diploma (legalizadu orijinal);
5. Fóto kopia sertifikadu fórmasaun profesional karik iha ;
6. Atestadu médiku (orijinal);
7. Kopia sertidaun RDTL
8. Sertidaun rejistu kriminal ka Bom Comportamento;
9. Karik funsionáriu públiku, tenki apresenta karta deklarasaun livre prosesu dixiplinar husi KFP;
10. Dokumentu hotu hatama iha **map / envelope ko'or (Kinur)** no hakerek naran aplikante no área especialidade inklui númeru referênsia.
11. Anunsiu konkursu ne'e loke hahú lora 17 fulan Maiu tinan 2022 no sei remata iha lora 31 fulan Maiu tinan 2022, husi tuku 09.00 - 16.30 OTL.
12. Prosesu selesaun ida ne'e eliminatóriu. Tan ne'e, failha submete dokumentu lakompletu tuir rekizitu sira hanesan mensiona iha leten sei rezulta aplikasaun "**deskualifikadu**",
13. Enkoraja tebes ba joven feto sira atu bele mai aplika ba vaga pozisaun ne'e.
14. Data teste eskrita no entrevista sei fó sai ho oráriu ba kandidatu sira ne'ebé kualifikadu iha prosesu selesaun dokumentu aplikasaun sira;

15. Públíkasaun rezultadu: lista kandidatu admitidu ba konkursu no lista klasifikasaun final sei taka iha kuadru avizu Prokuradoria Jerál Repúblika, Prokuradoria Distritál sira no Komisaun Funsau Públiku.
16. Submisaun dokumentu ba pessoal Rekursu Humanu Departamentu Rekrutamentu no Fórmasaun, Diresaun Administrasaun no Rekursu Humanu iha Prokuradoria-Jerál Repúblika, Colmera Dili, no Prokuradoria Distritál Baucau, Prokuradoria Distritál Suai no Prokuradoria Distritál Oecusse.

Dili, lora 16 fulan Maiu tinan 2022

